

Gloria Patri, et Filio, et Spiritui Sancto, etc.

Psalmus cXLVI. Laudate Dominum, quoniam bonus est psalmus, etc., ut supra pag. 48.

PSALMUS CXLVII.

Lauda Jerusalem Dominum : * lauda Deum tuum Sion.
Quoniam confortavit seras portarum tuarum : * benedixit filiis tuis in te.

Qui posuit fines tuos pacem : * et adippe frumenti satiat te.

Qui emittit eloquium suum terræ : * velociter currit sermo ejus.

Qui dat nivem sicut lanam, * nebulam, sicut cinerem spargit.

Mittit crystallum suam, sicut buccellas : * ante faciem frigoris ejus quis sustinebit?

Emitte *verbū* suum, et liquefaciet ea : * flabit spiritus ejus, et fluent aquæ.

Qui annuntiat verbū suum Jacob, * justias, et judicia sua Israel.

Non fecit taliter omni nationi : * et judicia sua non manifestavit eis.

Gloria Patri, et Filio, et Spiritui Sancto, etc.

PSALMUS CXLVIII.

Laudate Dominum de cœlis : * laudate eum in excelsis.
Laudate eum omnes Angeli ejus : * laudate eum omnes virtutes ejus.

Laudate eum sol, et luna : * laudate eum omnes stellæ, et lumen.

Laudate eum cœli cœlorum: * et aquæ omnes, quæ super cœlos sunt, laudent nomen Domini.

Quia ipse dixit, et facta sunt: * ipse mandavit, et creatura sunt.

Statuit ea in æternum, et in sæculum sæculi : * præceptum posuit, et non præteribit.

Laudate Dominum de terra; * dracones, et omnes abyssi.

Ignis, grando, nix, glacies, spiritus procellarum, * quæ faciunt verbum ejus.

Montes, et omnes colles, * ligna fructifera, et omnis cedri.

Bestiæ, et universa pecora, * serpentes, et volucres pennatæ.

Reges terræ, et omnes populi, * principes, et omnes judices terræ.

Juvenes, et virgines, senes cum junioribus laudent nomen Domini : * quia exaltatum est nomen ejus solius.

Confessio ejus super cœlum, et terram : * et exaltavit cornu populi sui.

Hymnus omnibus sanctis ejus, * filiis Israel, populo appropinquenti sibi.

Hic non dicitur Gloria Patri.

PSALMUS CXLIX.

Cantate Domino canticum novum : * laus ejus in Ecclesia sanctorum.

Lætetur Israel in eo, qui fecit eum : * et filii Sion exultent in rege suo.

Laudent nomen ejus in choro : * in tympano , et psalterio psallant ei.

Quia beneplacitum est Domino in populo suo : * et exaltabit mansuetos in salutem.

Exultabunt sancti in gloria : * lætabuntur in cubilibus suis.

Exaltationes Dei in gutture eorum , * et gladii ancipites in manibus eorum.

Ad faciendam vindictam in nationibus , * increpationes in populis.

Ad alligandos reges eorum in compedibus , * et nobiles eorum in mánicis ferreis.

Ut faciant in eis judicium conscriptum : * gloria hæc est omnibus sanctis ejus.

Hic non dicitur Gloria Patri.

PSALMUS CL.

Laudate Dominum in sanctis ejus : * laudate eum in firmamento virtutis ejus.

Laudate eum in virtutibus ejus : * laudate eum secundum multitudinem magnitudinis ejus.

Laudate eum in sono tubæ : * laudate eum in psalterio et cithara.

Laudate eum in tympano , et choro : * laudate eum in chordis , et organo.

Laudate eum in cymbalis benesonantibus : laudate eum in cymbalis jubilationis : * omnis spiritus laudet Dominum.

Gloria Patri , et Filio , et Spiritui Sancto , etc.

Quibus finitis , Sacerdos dicet sequentem Orationem :

OREMUS.

Omnipotens sempiterne Deus , qui ante arcam fcederis per clangorem tubarum muros lapideos , quibus adversantium cingebatur exercitus , cadere fecisti ; tu hoc tintinnabulum cœlesti bene ✕ dictione perfunde ; ut ante sonitum ejus longius effugentur ignita jacula inimici , percussio fulminum , impetus lapidum , læsio tempestatum , ut ad interrogationem propheticam , quid est tibi mare quod fugisti ? suis motibus cum Jordanico retroactis fluento respondeant : A facie Domini mota est terra , à facie Dei Jacob , qui convertit petram in stagna aquarum , et rupem in fontes aquarum . Non ergo nobis , Domine , non nobis ; sed nomini tuo da gloriam super misericordia tua ; ut cum præsens vasculum tua bene ✕ dictione sanctificetur , et quod arte , aut metalli specie non potest fieri dignum , sit tua benedictione perfusum : ut quicumque ad sonitum ejus convenerint , ab omnibus inimici tentationibus liberi , semper fidei catholicæ documenta sectentur . Per Dominum nostrum Jesum-Christum Filium tuum , qui tecum vivit et regnat in unitate Spiritus Sancti Deus per omnia sæcula sæculorum. ¶ Amen.

Tum Sacerdos ponit in thuribulo thus , incensum et myrrham , si facile haberi possint , alioquin , que ex ipsis habentur : quibus impositis , supponet thuribulum campanæ , ita , ut totum fumum accipiat , Clero interim cantante Antiphonam et Psalmum sequentem :

Antiph. Deus in sancto via tua : Quis Deus magnus , sicut Deus noster ?

PSALMUS LXXVI.

Viderunt te aquæ, Deus, viderunt te aquæ : * et tinerunt, et turbatae sunt abyssi.
 Multitudo sonitus aquarum : * vocem dederunt nubes.
 Etenim sagittæ tuæ transeunt : * vox tonitrui tui in rota.
 Illuxerunt coruscationes tuæ orbi terræ : * commota est et contremuit terra.
 In mari via tua, et semitæ tuæ in aquis multis : * et vestigia tua non cognoscentur.
 Deduxisti sicut oves populum tuum, * in manu Moysi et Aaron.
 Gloria Patri, et Filio, et Spiritui Sancto, etc.
Postea Sacerdos dicet :

OREMUS.

Omnipotens Dominator Christe, quo secundum carnis assumptionem dormiente in navi, dum oborta tempestas mare conturbasset, te protinus excitato, et imperante, dissiluit; tu necessitatibus populi tui benignus succurre; tu hoc tintinnabulum Sancti Spiritus rore perfunde: ut ante sohitum illius semper fugiat bonorum inimicus; invitetur ad fidem populus Christianus; hostilis terreatur exercitus; confortetur in Domino per illud populus tuus convocatus: ac sicut Davidica cithara delectatus desuper descendat Spiritus Sanctus: atque ut Samuele agnum lactentem mactante in holocaustum Regis aeterni imperii, fragor aurarum turbam repulit adversantium, ita dum hujus vasculi sonitus

transit per nubila, Ecclesiae tuæ conventum manus conservet angelica, fruges credentium, mentes et corpora salvet protectio sempiterna. Per te Christe-Jesu, qui cum Deo Patre vivis et regnas in unitate ejusdem Spiritus Sancti Deus, etc. **R.** Amen.

Finita oratione, Diaconus, si aderit, dicet sequens Evangelium, et dicet : Munda cor meum, etc., et petet benedictionem à Sacerdote dicens : Jube Domne benedicere; et Sacerdos dicet : Dominus sit in corde tuo, etc. At si Sacerdos sit solus dicet : Munda cor meum, etc. Jube Domne benedicere. Dominus sit in corde meo, etc.

V. Dominus vobiscum. **R.** Et cum spiritu tuo.

V. Sequentia Sancti Evangelii secundum Joannem.

R. Gloria tibi Domine.

In illo tempore : Intravit Jesus in quoddam castellum : et mulier quædam, Martha nomine, exceptit illum in domum suam, et huic erat soror nomine Maria, quæ etiam sedens securus pedes Domini, audiebat verbum illius. Martha autem satagebat circa frequens ministerium ; quæ stetit, et ait : Domine, non est tibi curæ quod soror mea relinquit me solam ministrare ? Dic ergo illi, ut me adjuvet. Et respondens dixit illi Dominus : Martha, Martha, sollicita es, et turbaris erga plurima. Porro unum est necessarium. Maria optimam partem elegit, quæ non auferetur ab ea.

Et postea Diaconus porrigit Sacerdoti osculari librum Evangeliorum, qui deinde formabit signum Crucis super campanam benedictam dicens :

Benedictio Dei omnipotentis Pa~~tris~~^X, et Filii, et Spiritus Sancti, descendat, et maneat super hoc tintinnabulum, et super audientes illud. **R.** Amen.

In hac benedictione Campanæ non fit mentio unctionum sacri Olei et Chrismatis, prout fit in Pontificali Romano, quia hujusmodi unctiones tantum spectant ad Episcopum, ut decrevit Sacra Rituum Congregatio, et notatur in principio hujus libri.

TITULUS VIII.

DE BENEDICTIONIBUS INDUMENTORUM SACERDOTALIUM ET IMAGINUM
IN DUO CAPITA DIVISIS.

CAPUT PRIMUM.

Benedictiones quæ continentur in hoc primo capite non possunt fieri nisi ab Episcopis, vel ab aliis facultatem habentibus.

BENEDICTIO SACERDOTALIUM INDUMENTORUM IN GENERE.

(Ex Miss. Pont. et Rit. Rom., ex Cerem. Ord. S. P. Aug.
et Col. P. Sannig.).

Prælatus, vel habens privilegium illa benedicendi, primo benedicat in communi omnia indumenta præsentia modo sequenti :

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.

R. Et clamor meus ad te veniat.

V. Dominus vobiscum. **R.** Et cum spiritu tuo.

OREMUS.

Omnipotens sempiterne Deus, qui per Moysen famulum tuum Pontificalia et Sacerdotalia, seu Levitica vestimenta, ad explendum in conspectu tuo ministerium eorum, ad honorem et decorem nominis tui fieri decrevisti : adesto propitiis invocationibus nostris, et hæc indumenta sacerdotalia, desuper irrigante gratia tua, ingenti benedictione per nostræ humilitatis servitium puri ~~ficare~~^X, bene ~~dicere~~^X, et conse~~crare~~^X crare digneris : ut divinis cultibus et sacris mysteriis apta et benedicta existant : his quoque sacris vestibus Pontifices, et Sacerdotes, seu Levitæ tui induiti, ab omnibus impulsionibus, seu temptationibus malignorum spirituum muniti et defensi esse mereantur ; tuisque mysteriis apte et condigne servire et inhærere, atque in his tibi placite et devote perseverare tribue. Per Christum Dominum nostrum. **R.** Amen.

OREMUS.

Deus, invictæ virtutis triumphator, et omnium rerum creator ac sanctificator, intende propitiis preces nostras : et hæc indumenta Leviticæ, Sacerdotalis et Pontificalis gloriæ, ministris tuis fruenda, tuo ore proprio bene ~~dicere~~^X, sancti ~~ficare~~^X et conse~~crare~~^X crare digneris : omnesque eis utentes, tuis mysteriis aptos, et tibi in eis devote et laudabiliter servientes, gratos efficere digneris. Per Dominum nostrum. **R.** Amen.